

Un'kaan akà Befesɔ Nsemà

Uboboo a mbul nkam atàtweb utaan abi là, Ndwa a nköön a aklistɔ yàbulà mböön agyägäyà kà Azi Minöör, nàbawà bàfàbel Türki a Azi. Ikoön byàkal un'tüüb umwey, wɛɛ Ikoön a Efesɔ kyàkal anà làkoo anàsöönà. Abun, ntööm Pɔl kàkyer mbul tär uboo a un'sɛn awà utaan a nkyeen yàtär yisal ande (Màt 19.1-20.1). Un'kaan akà Befesɔ kab là 3.1 anà u kab là 4.1, ntööm Pɔl kàkal u bɔlokà mpal kàsöön nde baar a Efesɔ. Undiir awun ban'sà ba un'kaan awà mbwo mwey anà in'kaan bàfàbel naa « isɔ », anà in'kaan kàsöön nde baar a Filipe, Filemɔ anà Kòlɔsay.

Ngwal a an'löön ande ikaswanà naa yà ntɔn kab a atääñ amwey lan'söön iköñ a bul. Isin a ndaa kyan'kyän a mbul a in'tye a Nzam ikwen mà « mutuüb indiir byanswà abyà u du anà u mɛɛn kan'kɔɔ a mfum mwey, Klistɔ ».

Fà nsemà tii u ntsulà, an'löön a un'kaan awà mànjàkab itiir byeel byàkolàkol:

Kà itiir kyàtätweb, ungo kan'man nde ubwan a Nzam kàkyer nde akà bi u mbwo a Yesu Klistɔ, un'söön wàmukyään isin a ndaa, muswan naa Nzam kàtüüb aben baar mpa abà Ayudà anà Ayudà un'sɛn mwey wa, un'sɛn ande.

Kà itiiir kyàyyweel, ntööm wàmulóm akà atääñ a in'kaan ande naa ba bàkal uboo a un'tuüüb awà unsà ubwan a mōō akuñ, un'tuüüb umwey ana Yesu Klistō. Abun, ya ibōr ndaa a balàbal unsà un'tuüüb abà ba awà anà baar bumwey, unsà ikōñ a aklistō, unsà bōr, unsà Ikoōñ.

Muswan un'sen a Nzam, ntööm wàmusyaäl idiim, idiim itär: kyà ndür, Ikoōñ awà Yesu Klistō un'tswe, kyà ndwà awà Yesu Klistō un'kul a twerà. Kyakin, imenà naa un'tuüüb wathey isàkal naa aklistō mbäab a ndandaa anà yà ipepey yathey akà Mwol aba.

Mbōr

¹ Pōl, ntööm a Yesu Klistō unsà ukwen a Nzam, akà baar abà u ᐸᐸᐸᐸᐸ abà bà Nzam anà bàlää'amu Yesu Klistō:

² Wey kab a ngway anà duu a Taaràbi Nzam anà Mwol Yesu Klistō màkal anà bē.

Indiir anàbwan kipe Nzam u mbwo a Klistō

³ Nsaak ikāl akà Nzam, Taarà Mwol abi Yesu Klistō! Nde kisaak mukipà nsaak a dweelà yan-swà u dū amu Klistō.

⁴ Kusa a nkyeer a mēen, Nzam kisōōl itaan mukal bānde u mbwo a Klistō, ntōn bi ikāl bà in'kyeel anà ikōñ an'pēl u mii ande. Unsà ukwen ande,

⁵ Nzam kilōñ kusa mukal iywaan nkà ande u mbwo a Yesu Klistō, mulab ukwen ande unsà ubwan ande.

⁶ Abun, wey bi isyāñà Nzam ntòn kab a ntsà kipe nde amu Mwan ande wànkween.

⁷ Amu nde, u mbwo a an'kil ande, bi kàkyátoo unsà iso, amu nde, bàkidwääl ibii abi, mulab un'naan a kab a ngway a Nzam,

⁸ alà kikaäb nde lāñàsöönà, mukipà an'yeerà manswà anà un'yenà wanswà.

⁹ Nde kipe mbwo muyöb ngyee a ukwen ande, ngyee kalöön nde kusà unsà ubwan ande, amu Klistö,

¹⁰ ntòn mukolà ya u taan a ntsüü: un'tüüb amu Klistö, nkyeer yanswà ayà u du anà ayà u meen.

¹¹ Amu nde sye, bi kàwèl kab làbi unsà an'kyän a mbuur afäsyen bya byanswà unsà ukwen ande, bi bisööl kusà,

¹² ntòn musyāñà làkoo ande, bi baar kàsi làkyän kusà amu Klistö!

¹³ Amu nde sye, be làkyāwem ndaa a ndandaa, Làsan Anābwan làfàlatswà möö. Amu nde sye, be làsi làkwikilà anà bälasi inyem a Dweelà In'kyeel bāpe ilää,

¹⁴ mbööl a kwal abi tii u ntsuun abi yà ntsüü ayà isāwal bi, ntòn nsyāñà a làkoo ande.

Ngyamàkà a Pöl

¹⁵ Kyakin, me sye, fà kàwem me làkwikilà abe amu Mwol Yesu anà ukwen abe ntòn anjin'kyeel banswà,

¹⁶ me in'fayon anki mufuur an'toon ntòn be, umpal in'fàlatà me din u ngyamàkà amē.

¹⁷ Wey naa Nzam a Mwol abi Yesu Klisto, Taa anjalakoo, kalape dweela a an'yeera ana la imeey nton be lun'yob ubwanabwan,

¹⁸ wey nde uduub mpem abe u paela ande, nton be layob naa lakyaa na ala mwo unsa labeel ande, naa un'naan a lakoo ande wa aben, kwal ufalakaab nde ana anin'kyeel,

¹⁹ unkaak a ngwal a kolakol na nde we awa nton ubwan abi, bi anjalakwikila. Ngwal ande ayi, nde ya katwey unsa unkaak a ngwal ande wanswa,

²⁰ nde ya kape aka Klisto mpal kun'wiiy nde uboo a aku, ana kun'bwaa y u koo ande la ibaal u du,

²¹ udu a imfum kyanswa, ikob kyanswa, unkaak a ngwal wanswa, imwol kyanswa ana ikob kyanswa ban'kwo muta din, ka na u meen ma mpel anki, wee sye ana u meen ama isaya.

²² Inye, Nzam kasi indiir byanswa ungyel a in'kol a Yesu ana nde kun'pe aka Ikoon nton mukal un'tswe a indiir byanswa.

²³ Ikoon kya kya ndur ande, nde awa ufayool Nzam njakwo a barbar.

2

Fa ukwa tii u m55

¹ Be, be lakal banakwa nton ibii ana man'be abe,

² ama lakerana be umpal layilaba be nzam a meen ma, Mwan a mfum awa afyekyeka uboboo

a du anà mæen, dweelà lãfãsal apanà uboo a baar a un'tswe ngwal.

³ Bi banswà sye, bi bàkal un'lwaan mwey anà baar abà, fà itaan, mulabà ngyal a ndür abi, bi bàkyerà ukwen aya, bàlabà an'kyän aya. Unsà imbuur, bi bàkalà baan a nkyel asànaa baar bumwey.

⁴ Wæe, ntøn Nzam wàñàyoł a ngyeb, anà nde kikwen unsà ukwen a kolàkol,

⁵ umpal kàkal bi bãnàkwà ntøn ibii abi, nde kipe möö anà Klisto Yesu - yà unsà kab a ngway waa be làwu' möö,

⁶ anà nde, nde kiwiiy anà kibwääy u du, amu Yesu Klisto.

⁷ Kyakin, u mbwo a ubwan ande ntøn bi amu Klisto Yesu, nde kàkwen muswan u mbul a in'tye ayà isàyà, un'naan a kolàkol wà kab a ngway ande.

⁸ Abun, yà unsà kab a ngway waa be làwu' möö, u mbwo a làkwilà. Be làkyer anki akà undiir, wæe la là kab a Nzam.

⁹ Ya kayan'fa anki unsà isal, ntøn mbuur uswen ngaal.

¹⁰ Ntøn nde kikyey, nde kiyilà amu Klisto Yesu, ntøn isal anàbwan kälöön Nzam kusa, ntøn bi ikolà bya.

Un'sen mwey amu Klisto Yesu

¹¹ Kyakin, làyobà naa utaan itaan be làkal anà idiim a baar mpa abà Ayudà u ndür abe, be baar bàlabeelà baar mpa abà anàkyey, akà baar

bàfàkyey uyɔl naa ba bàṅàkyey, nton ba bye anà idiim a nkyɛy bàkyer baar u ndür aba.

¹² Làyɔbà naa utaan alana, be làkāl anki anà Klistɔ uboo a be, be làkwe anki mukal baan a Isàlèl, be làkāl angyey u nkwà yanswà yà nton ilaä, ukɔɔn làkyän anà ukɔɔn Nzam u meen.

¹³ Wɛɛ apana, u mbwo a un'tuüb abe anà Klistɔ Yesu, be baar làkalà ukwel, be làkyàbulà tsutsu u mbwo a an'kil a Klistɔ.

¹⁴ Abun, nde wà duu abi: nde kàbuul Ayudà anà baar mpa abà Ayudà un'seɲ mwey. U mbwo a ndür ande, nde kàbwaab ibä a nkaabà akyà un'yiin.

¹⁵ Nde kàdwä un'kɔɔn anà nswɛɛɲ awa anà nsyääl awa. Abà, nde kàkwen naa fà Un'yudà anà mbuur mpa awà Un'yudà, nde ukyer mbuur mwey wàkūn, mubiil duu,

¹⁶ anà mutuüb ba bàbööl ndür mwey, anà kàfuur un'tuüb aba anà Nzam. U mbwo a kulunsi, nde kàdwä iyiin.

¹⁷ Nde kàyi mukyään duu akà be baar làkāl ukwel, anà duu akà baar bàkāl tsutsu.

¹⁸ Kyakin, u mbwo a nde, amwey anà bamwey, unsà Dweelà mwey mpel, bi ibye anà mbwo mukolà apà Taa.

¹⁹ Abun, be làfàkal anki angyey, itàkal alyaan a mbwo, wɛɛ be làbà anàbul mbwo mwey anà anjin'kyeɛl, baar a bɔr a Nzam.

²⁰ Be, be bàkyàlabiil unsà ntöön, un'bään a ya antööm anà anangɔɔm, anà Klistɔ Yesu nde ṅakwo

wà nkɔŋ a twerà.

²¹ Yà u mbwo ande, waa ndwà yanswà yàmutsim anà yàmuyel ntɔn mubulà idwà in'kyeɛl unsà Mwol.

²² Amu nde, bɛ sye làbà mbwo mwey bàŋàbilà uboo a ntöŋ ntɔn mubulà ndwà a Nzam u mbwo a Dweelà.

3

Isal a Pɔl ntɔn baar mpa abà Ayudà

¹ Kyakin, mɛ Pɔl, mbuur a bɔlokà a Klistɔ Yesu ntɔn bɛ, bɛ baar mpa làbà Ayudà,

² mbalà yumwey, bɛ làkyàwem naa Nzam, unsà ngyeb ande, kan'pɛ buur naa an'kyān ande makwe ntɔn bɛ,

³ anà, u mbwo a imɛɛy, nde kan'mɛɛy ngyee, asànaa kàsɔn mɛ ya ikikye kusà.

⁴ Lan'taŋ bɛ, bɛ lan'kwo làmen naa un'yenà nà mɛ in'we awà muyɔb ngyee a Klistɔ.

⁵ Ngyee ayi Nzam ya kàmɛɛy anki akà baar a ngyaäl yàyaan, asànaa kan'swan nde ya apanà, u mbwo a Dweelà, akà antööm in'kyeɛl ande anà anangɔm:

⁶ baar mpa abà Ayudà bàmakyey unsà kwal nsil alà, baar a ndür mwey nsil ayi, bàŋàtuüb unsà iläa nsil aki, amu Klistɔ Yesu, u mbwo a Làsan Anàbwan,

⁷ mɛ kàkyàbulà un'syääł u mbwo a kab a kab a ngway kan'pɛ Nzam musyäl unkaak a ngwal ande.

⁸ Mɛ in'wà kimbuur uboo a an'kyeɛl banswà, nde kan'pɛ kab a ngway mukyaän un'naan a Klistɔ wà ipepey akà baar mpa abà Ayudà,

⁹ anà musà unsà pɛɛlà naa Nzam afàkwey aben ngyee yàkal anàyeɛ fà itaan amu nde, nde Nkyer a indiir byanswà.

¹⁰ Ntɔn, fà apanà, Amfum anà An'ikɔb u du, bàyɔb an'yeerà a Nzam mà ifà ifà, u mbwo a Ikoön,

¹¹ asànaa mböön a mbul a in'tye kàkwey nde amu Klistɔ Yesu, Mwol abi.

¹² Abun, amu nde, u mbwo a làkwikilà ande, waa bi ban'sà mpem anà kam anàkwo musin tsutsu'apà Nzam.

¹³ Abun sye, mɛ amàlalom naa twon lan'kwamà ntɔn mpay in'manà mɛ ntɔn bɛ: ya yà làkoo abɛ.

Ukwen a Klistɔ

¹⁴ Lalan, in'fàbwà mɛ an'kõim kusà a Taa.

¹⁵ Ikɔb a bɔr lanswà, u du anà u mɛɛn, ifàfà amu nde,

¹⁶ mulab un'naan a làkoo ande, wey nde kàlapɛ ngwal, u mbwo a Dweelà ande, ntɔn imbuur abɛ akyà uboo ikal anàtsim,

¹⁷ wey nde ubwäy Klistɔ u mpem abɛ u mbwo a làkwikilà, wey bɛ làkal bàṇàsà in'swey anà bàṇàtsim unsà ukwen,

¹⁸ waa bɛ làkal anàkwo muyɔb, mbwo mwɛy anà an'in'kyeɛl banswà, naa ngyamà, uteer, bwɛl, iminà byà aben,

¹⁹ anà muyòb ukwen a Klistò ban'sóòn ngyöòb yanswà, ntòn bɛ lākāl bāṇàyuur tii muwal ngyööl a Nzam yanswà.

²⁰ Apanà, akà nde akwà, u mbwo a unkaak a ngwal afàsal amu bi, kan'kwo mukyer indiir byāṇàsóòn indiir byanswà ifàlòm bi itàkal ifayweer bi,

²¹ wɛy lākoo lākāl akà nde uboo a Ikööṅ anà amu Klistò Yesu, akà ngyāäl yanswà, u mbul a in'tye! Wöwöö.

4

Un'tüüb a Ikööṅ amu Klistò

¹ Abun, mɛ Pòl, mbuur a bɔlokà ntòn Mwol, mɛ amàlabɔɔn, lāpɛ mɔɔ abɛ akà lābeel lāwɛl bɛ,

² unsà lābɔɔn lanswà, duu, anà nkāāṅ a mpem. Lākāāṅà mpem bɛ a bɛ unsà ukwen.

³ Lāsɪ ngwal mukaar un'tüüb a Dweelà u mbwo a duu.

⁴ Ndür yà mwɛy anà Dweelà wà mwɛy, abun sye Nzam kàlabeel unsà lākyaṅ lāmwey mpɛl,

⁵ Mwol mwɛy, lākwikilà lāmwey mpɛl, ndüümà mwɛy mpɛl,

⁶ Nzam mwɛy, Taarà a baar banswà, awà udu a baar banswà, afàsal u mbwo a baar banswà, anà afàkal amu baar banswà.

⁷ Wɛɛ mbuur mbuur amu bi kàwɛl kab a ngway asànaa kà isij a kab a Klistò.

⁸ Kyakin bateena naa:

« Nde kàbeena du,
nde kākör baar a bɔlokà,

nde kàpe an'kab akà baar. »

⁹ Kyekà, « Nde kàbeenà », ikaswanà aben? Imenà naa nde sye kàtatyà tii u ngyel a meen.

¹⁰ Mbuur awà kàtyà, mbuur nsil wa sye kàbeenà du anàlyaan du lanswà, ntòn muyööl indiir byanswà.

¹¹ Wà nde nsil wa kàbuul amwey antööm, bumwey anangoom, apaay Lasañ Anàbwan, aseey anà aloon,

¹² ntòn mupà anjin'kyeel inwään byànjàkwo mukwey isal ntòn muton ndür a Klisto.

¹³ Tii kunà isàbulà bi banswà un'tuüb mwey unsà làkwikilà anà unsà ngyöob a Mwan a Nzam, unsà indweer, asànaa Klisto unsà ngyööl ande.

¹⁴ Abun, bi ifàsàkal anki asànaa ambey, bànjàsek, bànjàtatom tcom a un'pob a an'loon a baar a loor anà impeen aba mubwiy baar ndwan.

¹⁵ Wëë, mukyään ndandaa unsà ukwen, bi isàyel unsà indiir byanswà ntsü akà Klisto awà un'tswe.

¹⁶ Yà u mbwo ande waa ndür yanswà ayà swalaa, yànjàtuüb ubwanàbwan u mbwo a nkòn aya, ntòn mupà mbwo akà itiir a ndür imwey imwey musal isal a kya, ntòn muyel anà muton ya njakwo unsà ukwen.

Möö uboo a Klisto

¹⁷ Le ayà in'ten me anà in'tà me imbal kà ikob a Mwol: twon lan'fàkal asànaa baar mpa abà Ayudà, ntòn un'yenà aba ndöñ yatëy.

18 An'kyän aba mà u mpib anà ba sye bà angyey u möö a Nzam, ntön nköön a ngyöob ifàtwaal bwoor u mpem aba.

19 Unsà nköön a an'kyän aba, ba bàkyàbilà unsà ipasàse anà bàkyàpà möö aba unsà ngingyây iköön ntsüü anà unkaam.

20 Wëe be, be Klisto lälönàkà anki abunà,

21 kya isàkal naa ndandaa be làkyàwem naa bàyäm ntön nde, isàkal naa nde bälalön, unsà ndandaa ayà amu Klisto,

22 làpiy nkääl abe yà itaan anà làkööb imbuur abe kyà itaan akyà ifabwà u mbwo a ngyal a loor.

23 Wëy be làfurà bàküin unsà dweelà a un'yenà abe,

24 anà làbwaär mbuur akuin, awà bàkyer asànaa kàkwen Nzam unsà balàbal anà un'kyeel abyà ifàfà u ndandaa.

25 Abun, be làbà anàlwomà unsà loor: wëy mbuur mbuur uten ndandaa akà mbäab ande, ntön bi ibà atön bi a bi.

26 Nkye be làbà u nkyel? Twon lan'kyer man'be, twon lan'kal u nkyel tii mpal làkàminà taan.

27 Twon lan'pà ipöl akà ilen.

28 Wëy mbüüb uköön afàyib, wëe nde usi ngwal musal unsà làä kà an'köö ande ñakwo, ntön nde umen undiir akab akà mbuur awe anà ngyal awa.

29 Wëy ndaa a nsöör iköön atoo u mun abe. Wëe, kya ngyal isàkal, làten ndaa anàbwan, yan'kwo mutön anà mupà kab a ngway akà baar bàweemà ya.

³⁰ Twon lan'pà Dweelà In'kyeel ngyeb, Dweelà kàlasi Nzam asànaa inyem, ntòn ila' a ntsuun.

³¹ Wey naa itsumbuun, umpor, nkyel, an'sye anà in'tswe, bya byanswà byàdiimà amu be anà ube banswà.

³² Lakàl banàbwan be a be, lakàl anà nkàän a mpem, lādwaäl nkul be a be, asànaa kaladwaäl Nzam amu Klisto.

5

Ukal uboo a pèlè

¹ Làlab Nzam, ntòn be làbà baan ukwen nde.

² Lakàl unsà ukwen, asànaa Klisto kikwen nde anà kàpe nde möö ande ñakwo akà Nzam ntòn bi, asànaa an'kab anà iboon asànaa may a uson anàbwan.

³ Itàkal ipasàse, ñingyäy ifà ifà, ngyal a indiir byanswà, ikal anki akà ikikye uboo a be, ya ikal abun sye ntòn anin'kyeel.

⁴ Kà yà ubwan anki muten indiir inan anà unsil itàkal iteteen, wèe yà ubwan mufuur an'toon taan lanswà.

⁵ Ntòn, làyob ubwanàbwan naa mbuur wanswà afàkyer ipasàse, ndaa a nswen itàkal unkaam - ikaswanà naa itek - usàwal anki kwal unsà Imwol a Klisto anà kyà Nzam.

⁶ Akà mbuur mwey twon kàmàlakur unsà ndaa a bunàbun: ntòn indiir abi byàfàkàwool nkyel a Nzam udu a anin'tswe ngwal.

⁷ Abun, twon lan'tüüb a baar a tub abà.

⁸ Itaan, be làkalà u làpib, wée nàbawà be làbà pèelà amu Mwol. Làkal asànaa baan a pèelà.

⁹ Ntòn imben a pèelà kyà: ubwan, balàbal anà ndandaa.

¹⁰ Làsööl ndaa ifàpà un'sak akà Mwol.

¹¹ Twon lan'bilà unsà isal a mpib iköön ndöñ, wée làtwey bya u lenj.

¹² Ntòn indiir bafàkyer baar abà u nku, yà nswen musam bya.

¹³ Wée indiir byanswà ufàmëey pèelà, byàfàmenà kà ipòl,

¹⁴ ntòn undiir anàmëey wanswà wà pèelà. Kyakin bafàten naa:

« Wiya, ngye mbuur awaböönà,

mbarà uboo a aku,

waa Klistò usàtā inyāñ amu ngye. »

¹⁵ Làkal kà igyëñ unsà nkääl abe, twon lan'menà asànaa be làbà insil, wée làkal baar a an'yeerà,

¹⁶ abà bafàsyääl taan alà ubwan, ntòn ilā byà ibe.

¹⁷ Abun, twon lan'kal asànaa baar bāköön un'yenà, wée làyob ubwanàbwan naa ukwen a Mwol bā aben.

¹⁸ Twon lan'yör man, ma mäfàbwiyy baar ndwan. Wée làkal anàyöl a Dweelà.

¹⁹ Làlèel be a be u mbwo a an'diim a nsyāñà anà an'diim a ikwen. Làtöl an'diim anà lun'syāñà Mwol u mpem abe wanswà.

²⁰ Utaanj lanswà, ntòn indiir byanswà, làfuur an'toon àkà Nzam Taa kà ikòb a Mwol abi Yesu Klistò.

Akyay anà adim

²¹ Bè baar làfàpà Klistò làzir, làkal unsà làbõõn bè a bè.

²² Akaar, lawem adim abe asànaa làfàwem bè Mwol.

²³ Ntòn un'dim wà mfum a un'kaar, asànaa Klistò awà nde Mfum a Ikõõj, nde wà un'tswää a mõõ a Ikõõj akyà ndür ande ñakwo.

²⁴ Wëë, asànaa Ikõõj ifàsà kya Klistò làkoo, wëy akaar sye bàwem adim aba unsà ndaa yanswà.

²⁵ Adim, lakwen akyay abe asànaa Klistò kàkwen nde Ikõõj anà kàpè nde mõõ ande ñakwo ntòn kya.

²⁶ Abà, nde kàkwen mubuul kya kya in'kyeël anà mupõj kya u mbwo a an'dà anà u mbwo a Ndaa.

²⁷ Nde kàkwen naa kya ikal asànaa nde ñakwo, ntsà, ukoon kitwan, itàkal un'boõ, itàkal too làmwëy. Nde kàkwen naa Ikõõj ande ikal kya in'kyeël anà ikõõn an'pël.

²⁸ Undiiràwun, un'dim akyer akwen un'kyay ande asànaa ndür ande ñakwo. Mbuur afàkwen un'kyay ande, afàkwen sye nde ñakwo.

²⁹ Ntòn, akà mbuur mwëy watëy afàyiinj ndür ande ñakwo, wëë nde akyer afàdii anà afaloon ya ubwanjàbwanj asànaa ufàkyer Klistò ntòn Ikõõj ande.

³⁰ Nkye bi kà ibà itiir a ndür ande anki?

³¹ « Kyakin baal asàwey taarànde anà ngwän, waa usàkàbàäb anà un'kyay ande. Ba bàbööł bàsàbulà ndür mwey. »

³² Ngyee ayi yà yàkolàkol: mē, mē an'ten naa ya yà ntōn Klistō anà lkoöñ.

³³ Itàkal naa abà, wey mbuur mbuur uboo a bē ukwen un'kyay ande asànaa nde ñakwo, wey un'kaar upē un'dim ande làzir.

6

Baan anà aböör

¹ Baan, lapē aböör abē làzir, unsà Mwol, ntōn ya ndaa a balabal.

² « Sa lakoo akà taaràjà anà akà ngwa », yà nsweñ atātweb aye anà iläi:

³ « ntōn ngye akal unsà un'sak anà u möö a bweläbwel u mēen. »

⁴ Bē, aböör, twon lan'pà mpem a nkyel akà baan abē, wēe labōñ mukapà an'lōñ anàbwan anà an'lwen man'fà akà Mwol.

Asō anà ankum

⁵ Asō, lapē ankum abē u mēen mà làzir unsà bōōmà anà mateer, u mpem a lābōñ, asànaa bē lābāmuweemà Klistō,

⁶ kà nà u mii aba mpel anki, asànaa bē lākwen mumenà bāñābwan u mii a baar, wēe asànaa asō a Klistō mukyer ukwen a Nzam, fà mpem aba.

⁷ Lasyääl unsà mpem anàbwan, asànaa bē lābāmusyäl Mwol, wēe kà baar anki.

⁸ Làyòb naa mbuur mbuur asàwal kà an'kɔɔ a Mwol bweel a ubwan abà kàkyer nde, itàkal un'sɔ, itàkal mbuur a nsaay.

⁹ Wɛ bɛ, ankum, làkyer sye ifà imwey akà ba. Twon làmapà unkiin, nton bɛ làkyàyoɔb naa bɛ anà ba, làwe Mwol nsil wa u du anà nde ufàsà anki nsɔɔl uboo a baar.

An'tà ufàpà Nzam

¹⁰ Mumay, làwɛl ngwal abɛ unsà Mwol anà unsà ikɔb a ngwal ande.

¹¹ Làbwaär an'tà a Nzam, nton bɛ làkal anàkwo munwaan anà ikikyer a ilen.

¹² Bi inwaan anki ngwiɣ a an'kil anà in'twan, wɛɛ anà Amfum, Anjikɔb, Anàlàyaal u mɛɛn a mpib, anà an'dweelà an'be amà u du.

¹³ Kyakin, làbwaär an'tà a Nzam manswà, nton bɛ làwɛl iboɣ kà ilà anà làkal anàtsim ungo mukyer indiir byanswà.

¹⁴ Làtsim, làbwaär ndandaa asànaa un'di a lon, balàbal asànaa undiir afàtii itɔl,

¹⁵ anà un'kanà akyään Làsan Anàbwan là duu asànaa idyaär kà in'kol.

¹⁶ Udu a indiir byanswà, làkwey làkwikilà asànaa làbää làfàdim mbaa a mba yanswà ufàlom Mbuur un'be.

¹⁷ Mumay, làwɛl mpà a ngweel a mɔɔ anà kɔm a Dweelà, ikaswanà naa ndaa a Nzam.

¹⁸ U mbwo a ngyamàkà yanswà anà ndɔɔm, làyamà taan lanswà unsà Dweelà. Làtyeel

an'taanj unsà mukuùhà u ngyamàkà nton
anjin'kyeel banswà,

¹⁹ anà nton me sye, nton Nzam usi u mun ame
ndaa an'kwo me musyal nton mukyaän a ngwal
ngyee a Làsanj Anàbwanj.

²⁰ Itakal naa apanà me in'wà u bolokà, me in'wà
un'kyeey a Làsanj Anàbwanj alà. Làyamà nton me
in'kyään la anà un'kanà wanswà, ukoon booma.

Mbör a ntsüü

²¹ Me in'kwen be sye layob naa möö ame wà
aben, anà ayà in'fakyer me. Tishik, un'ton
awà in'fakwen me, un'syäl a lää unsà Mwol,
ayälakyaän Làsanj lanswà.

²² Undiirawun wa me amalatoöm awà, nton
nde kalasam naa bi kà ibà aben anà kalape
un'kanà.

²³ Wey Taa Nzam anà Mwol Yesu Klisto bàpe
duu, ukwen anà làkwikilà akà aton banswà.

²⁴ Wey kab a ngway a Nzam làkäl akà baar
banswà bafakwen Mwol abi Yesu Klisto unsà
ukwen mpa bafabi.

Bible Iyansi

The New Testament in the Yansi language of the Democratic Republic of the Congo: Bible Iyansi

copyright © 2024 Seed Company in coordination with Forum Communautaire des Traducteurs de la Bible et Alphabétisation

Language: (Yansi)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Sep 2025 from source files dated 10 Jul 2025

533ada40-f65c-5c48-9141-b107f37a0a9f